



BARAZA LA WAWAKILISHI – ZANZIBAR

ORODHA WA SHUGHULI ZA LEO

BARAZA LA KUMI LA WAWAKILISHI

MKUTANO WA PILI

Kikao cha Kwanza – Tarehe 10 Februari, 2021.

Kikao Kitaanza Saa 3.00 (Tatu) Asubuhi
na Dua zitasomwa.

- I. **WIMBO WA TAIFA.**
- II. **DUA.**
- III. **KIAPO CHA UAMINIFU CHA WAHESHIMIWA WAJUMBE WA BARAZA:**
 1. **Mhe. Habib Ali Mohamed**
 2. **Mhe. Hassan Hamad Omar**
 3. **Mhe. Kombo Mwinyi Shehe**
 4. **Mhe. Nassor Ahmed Mazurui**
 5. **Mhe. Omar Said Shaaban**

IV. HATI ZA KUWASILISHA MEZANI:

Waziri wa Nchi, Ofisi ya Makamu wa Pili wa Rais, Sera, Uratibu na Baraza la Wawakilishi:

Nakala zote za Gazeti Rasmi la Serikali pamoja na vijalizo vyake kuanzia tarehe 13 Novemba, 2020.

Waziri wa Nchi, Ofisi ya Rais, Katiba, Sheria, Utumishi na Utawala Bora,

Ripoti ya Utekelezaji wa kazi za Tume ya Maadili ya Viongozi wa Umma kwa mwaka 2019/2020.

Ripoti ya Mdhibili na Mkaguzi Mkuu wa Hesabu za Serikali kwa Mashirika na Taasisi za Serikali ya Mapinduzi ya Zanzibar kwa mwaka 2018/2019;

Ripoti ya Mdhibili na Mkaguzi Mkuu wa Hesabu za Serikali za Mamlaka ya Serikali za Mitaa kwa mwaka 2018/2019.

Ripoti ya Mdhibili na Mkaguzi Mkuu wa Hesabu za Serikali kwa Mawizara ya Serikali ya Mapinduzi ya Zanzibar kwa mwaka 2018/2019

Marekebisho ya Jadwali ya Pili ya Sheria ya Maadili ya Viongozi wa Umma Zanzibar Nam. 4 ya 2015.

Mwenyekiti wa Kamati ya Kusimamia Ofisi za Viongozi Wakuu wa Kitaifa:

Hotuba ya Maoni ya Kamati ya Kusimamia Ofisi za Viongozi Wakuu wa Kitaifa kuhusu Ripoti ya Utekelezaji wa kazi za Tume ya Maadili ya Viongozi wa Umma kwa mwaka 2019/2020.

Mwenyekiti wa Kamati ya Kuchunguza na Kudhibiti Hesabu za Mashirika na Serikali za Mitaa:

Hotuba ya Maoni ya Kamati Kuchunguza na Kudhibiti Hesabu za Mashirika na Serikali za Mitaa kuhusu Ripoti ya Mdhibili na Mkaguzi Mkuu wa Hesabu za Serikali kwa Mashirika na Taasisi za Serikali ya Mapinduzi ya Zanzibar kwa mwaka 2018/2019 na Ripoti ya Mdhibili na Mkaguzi Mkuu wa Hesabu za Serikali za Mamlaka ya Serikali za Mitaa kwa mwaka 2018/2019.

Mwenyekiti wa Kamati ya Kuchunguza na Kudhibiti Hesabu za Serikali:

Hotuba ya Maoni ya Kamati Kuchunguza na Kudhibiti Hesabu za Serikali kuhusu Ripoti ya Mdhibiti na Mkaguzi Mkuu wa Hesabu za Serikali kwa Mawizara ya Serikali ya Mapinduzi ya Zanzibar kwa mwaka 2018/2019

Mwenyekiti wa Kamati ya Kusimamia Ofisi za Viongozi Wakuu wa Kitaifa:

Hotuba ya Maoni ya Kamati ya Kusimamia Ofisi za Viongozi Wakuu wa Kitaifa kuhusu Marekebisho ya Jadwali ya Pili ya Sheria ya Maadili ya Viongozi wa Umma Zanzibar Nam. 4 ya 2015.

V. MASWALI:

Ofisi ya Makamu wa Pili wa Rais Sera, Uratibu na Baraza la Wawakilishi:

2. MHESHIMIWA BAHATI KHAMIS KOMBO (Jimbo la Chambani) Ataamuliza Mheshimiwa Waziri wa Ofisi ya Makamu wa Pili wa Rais, Sera, Uratibu wa Baraza la Wawakilishi :

Kumekuwa na ahadi ya Mhe. Makamo wa Pili wa Rais katika Kijiji cha Andikoni Shehia ya Chumbageni kuwasaidia fedha taslim Tshs. milioni mbili (2,000,000/-) kwa ajili ya kutiliwa kifusi barabara yao, lakini hadi sasa bado ahadi hii haijatekelezwa.

- (a) Je, ni lini ahadi hii itatekelezwa.
- (b) Na kama fedha hizo zimeshatolewa, basi bado wananchi hawa hazijawafika, ni hatua gani zitachukuliwa juu ya mtu ambae amekabidhiwa fedha hizo.

Ofisi ya Rais, Katiba, Sheria, Utumishi na Utawala Bora:

24. MHESHIMIWA SALMA MUSSA BILAL (Nafasi za Wanawake) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi na Utawala Bora:

Naipongeza Serikali kupitia Ofisi ya Mufti kwa kufanya usajili wa madrasa na misikiti hapa Zanzibar.

- (a) Je, Serikali imejipanga vipi kuhakikisha misikiti na madrasa zote za Zanzibar zinasajiliwa.
- (b) Je, Wizara ina ratiba maalum ya kuhakikisha inatembelea na kuangalia changamoto zinazowakabili na kuzisaidia madrasa na misikiti hiyo.
- (c) Je, Serikali ina mpango gani wa kuziwekea mtaala madrasa hizo ili ziweze kusomesha katika mtaala mmoja kwa manufaa ya watoto wetu.

Ofisi ya Rais, Fedha na Mipango:

15. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Nchi, Ofisi ya Rais, Fedha na Mipango:

Kwa muda mrefu Serikali imekuwa ikiibiwa mapato yake na wanyabiashara kwa kukwepa kulipa kodi ikiwemo kutokutoa risiti au kutolewa risiti zisizo halali.

- (a) Ni kwa nini Serikali inasita kutumia mfumo wa risiti za EFD.
- (b) Kwa nini vituo vingi vya uuzaji mafuta havitoi risiti

Ofisi ya Rais, Tawala za Mikoa, Serikali za Mitaa na Idara Maalum za SMZ:

21. MHESHIMIWA HASSAN HAMAD OMAR (Jimbo la Kojani) Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Mnamo mwaka 1990, Mhe. Rais mstaafu Dkt. Salmin Amour Juma alitangaza Kojani kuwa Wilaya ndogo kwa ajili ya kuwasogezea wananchi huduma za kiserikali. Tokea wakati huo mpaka sasa, hakuna huduma yoyote inayotolewa katika ofisi hiyo ambayo ina watumishi watano (5).

- (a) Ni kwanini Serikali tokea wakati huo haijasogeza huduma hizo kwa wananchi kama ilivyokusudiwa.
- (b) Je, Wizara ina mpango gani wa kuiboresha Wilaya ndogo ya Kojani ili wananchi wapunguziwe usumbufu wa kufuata huduma Wilaya ya Wete, kama ilivyo Wilaya ndogo ya Tumbatu.
- (c) Je, Serikali haioni kuiweka ofisi bila ya huduma zilizokusudiwa ni kupoteza mali ya umma bila faida kwa wananchi.

Wizara ya Elimu na Mafunzo ya Amali:

6. MHESHIMIWA MWANTATU MBARAK KHAMIS (Nafasi za Wanawake) - Atamuuliza Mheshimiwa Waziri wa Elimu na Mafunzo ya Amali:

Naipongeza Serikali kwa kuendelea na juhudi za kuimarisha Sekta ya Elimu kwa kununua vitendea kazi ikiwemo vitabu vya kujifunzia pamoja na kuimarisha huduma bora kwa walimu.

- (a) Kwa kuzingatia mahitaji ya wanafunzi wenye mahitaji maalum, ni vifaa gani ambavyo vimeweza kununuliwa kwa lengo la kusaidia wanafunzi hao kujifunza.
- (b) Je, ni skuli zipi ambazo zimenufaika.

47. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Elimu na Mafunzo ya Amali:

Katika miaka ya hivi karibuni kumekuwa na ongezeko kubwa la kuanzishwa skuli binafsi hapa Zanzibar. Hata hivyo, baadhi ya skuli hizo masharti yao ni magumu ya kujiunga hasa kwa vile wanataka wanafunzi wenye uwezo mkubwa wa ufahamu hivyo hali hiyo inapelekea kuwanyima haki ya kujiunga katika skuli hizo wananchi wa Zanzibar.

- (a) Je, Serikali ina utaratibu gani wa kuzifuatilia na kuzikagua skuli hizo.
- (b) Kwa nini baadhi ya skuli hizo ada yao inapangwa kulinganisha na fedha za Marekani.
- (c) Hivi Serikali inajua kwamba baadhi ya skuli hizo, zinawatolesha faini wazazi wanaochelewa kulipa ada za watoto wao.

Wizara ya Habari, Vijana, Utamaduni na Michezo:

42. MHESHIMIWA MOHAMED MGAZA JECHA (Jimbo la Mtambile) - Atamuuliza Mheshimiwa Waziri wa Habari, Vijana, Utamaduni na Michezo:

Naipongeza Serikali ya Mapinduzi Zanzibar kwa juhudi inazozichukua za kuimarisha viwanja vya michezo hususan ujenzi wa kiwanja cha mpira wa miguu kilichopo Kangani katika Jimbo la Mtambile kisiwani Pemba. Pamoja na juhudi hizo, kumekuwa na changamoto nyingi katika utekelezaji wa azma hiyo.

- (a) Je, ujenzi wa kiwanja cha mpira wa miguu cha Kangani tayari umekamilika.
- (b) Kama ujenzi umekamilika, Je, tayari kiwanja hicho kimeshakabidhiwa Wilaya kwa matumizi.
- (c) Kwa sasa kiwanja hicho kinaonekana kimezungukwa na majani, Je, ni lini majani hayo yatakatwa.

Wizara ya Maji, Nishati na Madini:

18. MHESHIMIWA ABDALLA ABASI WADI (Jimbo la Nungwi) -
Atamuuliza Mheshimiwa Waziri wa Maji, Nishati na Madini:

Kwa muda mrefu jimbo la Nungwi lina matatizo ya maji safi hususan katika vijiji vilivyopo Shehia ya Nungwi na Fukuchani na Mheshimiwa Mwakilishi aliyepita alilipigia kelele sana suala hili.

- (a) Je, Wizara ina mpango gani juu ya kadhia hii.
- (b) Je, Serikali haioni umuhimu wa kuharakisha huduma hii ili kuwapa moyo wapiga kura wa jimbo la Nungwi.
- (c) Kwa kuwa suala hili limeombwa tangu miaka mitano iliyopita, wananchi wa jimbo la Nungwi unawaahidi nini hasa ukizingatia kauli mbiu ya Rais inayosema “yajayo ni neema tupu”.

Wizara ya Ujenzi, Mawasiliano na Uchukuzi:

52. MHESHIMIWA HAJI SHAABAN WAZIRI (Jimbo la Uzini) -
Atamuuliza Mheshimiwa Waziri wa Ujenzi, Mawasiliano na Uchukuzi

Tunaipongeza Serikali kwa jitihada zake za kuhakikisha miundombinu ya barabara inakuwa imara na kupitika kwa urahisi.

Je, Serikali inatumia vigezo gani katika kuhakikisha barabara zisizopitika zinajengwa kwa wakati.

Wizara ya Uchumi wa Buluu na Uvuvi:

22. MHESHIMIWA HASSAN HAMAD OMAR (Jimbo la Kojani) -
Atamuuliza Mheshimiwa Waziri wa Uchumi wa Buluu na
Uvuvi:

Kufuatia kauli ya Mhe. Rais Dkt. Hussein Ali Mwinyi ya kutaka kuifanya Zanzibar kuwa ya uchumi wa buluu ambao kwa kiasi kikubwa itakuwa ni pamoja na uvuvi wa kati na bahari kuu.

- (a) Je, Serikali ina mpango gani katika kuwaendeleza wavuvi wadogo wadogo (hasa wa Kojani) ili kufikia katika uvuvi wa aina hiyo.
- (b) Wavuvi wengi wadogo wadogo wa Zanzibar wanavua uvuvi wa asili kwa taaluma ya kurithishana kizazi baada ya kizazi. Je, Wizara yako ina mpango gani katika kuwapa taaluma wavuvi hawa ili kuendeleza uvuvi kufikia uchumi wa buluu.
- (c) Kwanini Wizara imekuwa na miradi ya kutunza mazingira ya bahari lakini imeshindwa kuwa na miradi ya kuendeleza wavuvi kitaaluma na kuwawezesha (mikopo).

VI. UCHAGUZI WA WENYEVITI WA BARAZA LA WAWAKILISHI ZANZIBAR.

VII. CHAGUZI WA WABUNGE WATANO WA BUNGE LA JAMHURI YA MUUNGANO WA TANZANIA KUTOKA BARAZA LA WAWAKILISHI.

VIII. UCHAGUZI WA UMOJA WA WAJUMBE WANAWAKE WA BARAZA LA WAWAKILISHI ZANZIBAR (UWAWAZA).

IX. HOJA ZA SERIKALI**Waziri wa Nchi, Ofisi ya Rais, Katiba, Sheria, Utumishi na Utawala Bora:**

Ripoti ya Utekelezaji wa kazi za Tume ya Maadili ya Viongozi wa Umma kwa mwaka 2019/2020.

Ripoti ya Mdhibiti na Mkaguzi Mkuu wa Hesabu za Serikali kwa Mashirika na Taasisi za Serikali ya Mapinduzi ya Zanzibar kwa mwaka 2018/2019;

Ripoti ya Mdhibiti na Mkaguzi Mkuu wa Hesabu za Serikali za Mamlaka ya Serikali za Mitaa kwa mwaka 2018/2019.

Ripoti ya Mdhibiti na Mkaguzi Mkuu wa Hesabu za Serikali kwa Mawizara ya Serikali ya Mapinduzi ya Zanzibar kwa mwaka 2018/2019

Marekebisho ya Jadweli ya Pili ya Sheria ya Maadili ya Viongozi wa Umma Zanzibar Nam. 4 ya 2015.

Zanzibar,
10 Februari, 2021.

(Raya Issa Msellem)
KATIBU WA BARAZA.